

قصة آدم عليه السلام (3) _ روعة الجنة وحيل الشيطان لصدك عنها وسر الاستسلام _ م علاء حامد

علاء حامد

الحمد لله واشهد ان لا اله الا الله وحده لا شريك له واشهد ان محمدا عبده ورسوله صلى الله عليه وسلم. اما بعد اهلا ومرحبا بكم في اللقاء الثالث من قصة ادم عليه وعلى نبينا الصلاة والسلام - [00:00:00](#)

الحقيقة النহারدة قصتنا مليئة بالفوايد الله سبحانه وتعالى بعد ما حصل من آآ ان ربنا امر ابليس ان يسجد لادم عليه السلام مع امره للملائكة كتبع ابليس كان من الكافرين - [00:00:17](#)

بعدها امر الله تعالى واذن الله تعالى لادم ان يسجن في الجنة. وقلنا يا ادم اسكن انت وزوجك الجنة. وكلا منها رغدا حيث شئتما ولا تقربا هذه الشجرة ستكون من الظالمين - [00:00:38](#)

الله سبحانه وتعالى ادم انه يسكن الجنة وكان الامر الوحيد لي شجرة معينة لا يأكل منها الشجرة ديت لا يعيننا دي انه شجرة يعني؟ طبيعة القرآن آآ احيانا يبهم في بعض الامور. يعني ايه؟ يعني ما يحددها - [00:01:00](#)

وعدم تحديدها افضل من تحديدها ان عدم تحديدها بيخليك تركز على المعنى مش تركز على الشكليات مش هيفرق معك دي كانت شجرة تفاح ولا موز ولا مانجة. بعض الناس يقول لك كالتفاح الله اعلم - [00:01:26](#)

ما فيش العلم عند الله والتكلف في البحث عن نوع الشجرة مش هيفيدك بحاجة كانت شجرة آآ تفاح ولا كانت موز ولا كانت مانجة كل ده سواء. العبرة بالامر والعبرة بالالتزام بامر الله سبحانه وتعالى. زي ما - [00:01:43](#)

ربنا ابهم امور كثير. من ذي القرنين؟ الله اعلم تكلف البحث في المسألة دي مش هيوصلك لنتيجة كبيرة يعني حتى لو وصلت ما فيش حاجة هتزيد او هتنقص الفوايد التربوية - [00:02:00](#)

واسألهم عن القرية التي كانت حاضرة البحر هل كانت انهي قرية هيفرق معك اه قرية مؤمن ال ياسين انهي قرية؟ كل دي امور الناس بتحب اوي البحث فيها لكن طريقة القرآن الابهام فيها - [00:02:13](#)

وده بيوصلنا لمعنى جميل. هنجده موجود في كل القصص في كل القرآن عموما ان الشيء الذي لا يعود عليك بفائدة لا داعي من ذكره ووده بيعلمك ان انت نفسك في حياتك. الشيء الذي لا يعود عليك بفائدة فلا تتكلم فيه - [00:02:31](#)

ولا تضيع وقتك فيه واجعل دايم كلامك محدد. كلامك فيما يعينك. كلامك فيما ينفعك يوم القيامة هناك ما تزال سالما ما سكت فازا تكلمت كتبت لك عليك. ربنا سبحانه وتعالى - [00:02:48](#)

قال ادم ان لك الا تجوع فيها. ولا تعري وانك لا تظلم فيها ولا تضحى هذه الجنة الجنة اللي احنا بنشتاق اليها. والشوق الى الجنة شيء طبيعي فطري فينا لان بطبيعة الحال منزلنا الاول - [00:03:06](#)

ربنا جعل فينا حب للجنة شوق لها واسألك لذة النظر الى وجهك والشوق الى لقاءك اعزم نعيم الجنة النظر الى وجه الله سبحانه وتعالى واعظم نعيم الدنيا الشوق لله سبحانه وتعالى - [00:03:27](#)

الجنة فيها ما لا عين رأت ولا اذن سمعت ولا خطر على قلب بشر الجنة لا تعب فيها ولا نصب حين يدخل اهل الجنة الجنة يقولون الحمد لله الحمد لله الذي اذهب عنا الحزن - [00:03:49](#)

ان ربنا لغفور شكور الذي احلنا دار المقامة من فضله لا يمسننا فيها نصب ولا يمسننا فيها لغوب الجنة فيها الحور العين فيها الفواكه فيها

الراحة فيها النعيم المقيم لا يمل اهل الجنة. لا ينامون لا يتعبون - 00:04:08

لا يسأمون يتلذذون بالطعام والشراب والمآكل ان الجنة فيها غرف آآ يرى ظاهرها من باطنها وباطنها من ظاهرها لكن دايمًا مع ان احنا بنوصف الجنة وجمالها وما فيها من الراحة والنعيم - 00:04:33

ومرافقة النبيين ورؤية الانبياء ورؤية وجه الله سبحانه وتعالى مش هينفع يكون الكلام مجرد كلام لازم يكون في الآخر في تطبيق عشان كده نلاقي ان النبي عليه الصلاة والسلام يربط دائما الوصف بالتطبيق - 00:04:54

فيقول مثلا ان في الجنة غرفة زي ما قلنا يرى ظاهرها من باطنها وباطنها من ظاهرها. لان هي عاملة زي اللؤلؤة كده. البيت عامل زي اللؤلؤة. تشوفه من برة تشوفه من جوة حاجة روعة - 00:05:11

لكن النبي عليه الصلاة والسلام بعد كده يقول ايه؟ اعددها الله لمن الان الكلام واطعم الطعام وصلى بالليل والناس نيام. يبقى الكلام مش مجرد الله الجنة نفسي اخشها في تمن لازم يندفع - 00:05:25

في قيام ليل لازم تجتهد فيه. لان ده مهر للجنة ومهر للحدود العينية في صيام نهار لازم تجتهد فيه في كلام لين المفروض تعتاد عليه. في اطعام طعام. لازم تلتزم به. في افشاء سلام - 00:05:41

لازم انك انت تهتم به كل المعاني ديت مهمة مسألة مش مسألة الله انا مشتاق للجنة مسألة مازا اعددت وقدمت لها كما جاء رجل الى النبي عليه الصلاة والسلام قال يا رسول الله متى الساعة؟ قال فما اعددت لها؟ هو ده المهم. قال ما اعددت كثير صلاة ولا صيام ولكن - 00:05:58

اني احب الله ورسوله. هذه هذا من الاعداد في الحقيقة. هذا من الاعداد حب الله تعالى حب الرسل الكرام حب الصحابة الكرام رضي الله عنهم وارضاهم هذا من السبل التي توصل الجنة - 00:06:19

والحب ده له دليل. دليل الاتباع. دليل التشبه. دليل البراءة من الكفر واهل الكفر ولو ارادوا الخروج لاعدوا له عدة فالانسان اذا كان يوههم نفسه بس ان هو يدخل الجنة وان احنا من اهل الجنة كلنا داخلين الجنة - 00:06:34

ادم مغرور وغركم بالله الغرور. غرتكم الاماني حتى جاء امر الله. فاياك ان تكون مغرور وعائش في الاماني وانما من اراد الجنة سعى لها ومن اراد الآخرة وسعى لها ايه؟ سعيها وهو مؤمن. فاولئك كان سعيهم مشكورا. وان ليس للانسان - 00:06:51

الا ما سعى وان سعيه سوف يرى ثم يجزاه الجزاء الاوفى وبالتالي ما تعيش بقى ايه في الوهم وتمني نفسك بالجنة. نعم الجنة هنالك سننسى كل شقاء. تعبك في قيام الليل. تعبك في الدعوة الى الله - 00:07:14

تحملك للآذى في سبيل الله تعالى تعبك في تربية اولادك. تعبك في الصلاة. سهرك لحفظ القرآن. سهرك للمراجعة. سهرك في طلب العلم تحملك السخرية من بعض الناس. تحملك الثبات على المنهج. تحملك صيام النهار كل ده - 00:07:33

هيزول مع اول قدم في الجنة. يؤتى بابس اهل الدنيا من اهل الجنة فيغمس في الغمس في الجنة غمسة واحدة ثم يقال له هل رأيت بؤسا قط فيقول الله وعزتك - 00:07:52

ما رأيت بؤسا قط هنالك سننسى كل شيء. كل الم كل تعب هنالك ستتحقق الاماني. هنالك رؤية وجه الله سبحانه وتعالى واسألك الشوق الى لقاءك. الشوق الى الجنة من اعظم العبوديات - 00:08:06

ادم دخل الجنة وابليس ابى الا ان يغويه. وخلاص هو قرر ان الحرب هتبدأ لاغوينهم اجمعين. لاتينهم من بين ايديهم ومن خلفهم وعن ايمانهم وعن شمائلهم ابليس لما عدي الخطة لاغواء ادم عليه السلام بدأ يجهز لها كويس. كان عنده طول بال - 00:08:26

كان عنده صبر وكان مركز على كذا حاجة وده طريقة ابليس عموما مع اي حد ابليس بيركز على حاجتين. بيركز على الشهوات ويحاول مع الشهوات يستغل لحظة من لحظات الغفلة - 00:08:48

فيجتمع شهوة مع غفلة سيتمكن الشيطان من ايقاع الانسان قيل ان ابليس حتى لما ربحنا صور ادم دخل فيه ابليس وطالع قبل ما تنفخ فيه الروح فلا مجوف مجوف فلما لقي مجوف عرف ان التجاويف دي - 00:09:07

هتكون عشان حاجة تتملى يعني في تجويف هنا يبقى دي بطن يبقى في حاجة في تجويف في الانسان طالما في تجويفات يبقى في

حاجات. التجويف ده عشان حاجة طالما في حاجات يبقى في شهوات وطالما في شهوات انا عرفت هخش له منين. هخش له من
الشهوات - 00:09:29

عرف الشيطان ان الانسان له مداخل وهي الشهوات فقرر ان يكون اغواه لابن ادم عن طريق الشهوات طيب الشهوات دي مش هتبقى
كفاية. ما هي افرض واحد زهنة حاضر. ما ما بيغفلش ابدأ - 00:09:48

هيركز على الغفلات. حاول يقتنص منك غفلة مع شهوة تحصل الايه؟ يحصل الوقوع. عشان كده ابن القيم في كتابه الداء والدواء
بيحكى عن الشيطان كانه بيكلم اتباعه وبيقول الشيطان بيقول لاتباعه استعينوا يا بني يا بني بجندين عظيمين لن تغلبوا معهم.
احدهما جند الغفلة - 00:10:03

فاغسلوا قلوب بني ادم عن الله والدار الآخرة بكل طريق وليس لكم ابغ في تحصيل غرضكم من ذلك فان القلب اذا غفل عن الله
تعالى تمكنت منه ومن اغوائه الثاني جندي الشهوات فزينوها في قلوبهم وحسنوها في اعينهم - 00:10:27
وصولوا عليهم بهذين العسكرين فليس لكم في بني ادم ابغ منهما بالكلام عشان كده بنقول الانسان محتاج يكون دائما في حال يقظة
ما يغفلش ابدأ بص المدخل ادم قال له هل ادلك على شجرة الخلد - 00:10:47

وملك لا يبلى. شجرة الخلد وملك لا يبلى شهوتين عند اي انسان شهوة ان هو عايز يعيش ما يموتش ابدأ ما يصابش ابدأ. عايز ما ما
يبقاش عنده خوف من الموت. خلود ده احد الشهوات اللي عند الانسان - 00:11:08
ملك لا يبلى. يعني مش ملك طبيعي. ملك لا يبلى. الانسان يكون عنده ملك. دي شهوة. انسان يملك. وملك يدوم ما يروحش منه هو
مش بيقول له ادلك على شجرة. بيقول له ادلك على شجرة الخلد وملك لا يبلى. ادم عليه السلام اكيد ما حصلش منه الامر ده -
00:11:26

في البداية لكن ما زال به ابليس ما زال بابليس ينتز منه انه يصدقه بس. دعم طريقه دوت طريق الشهوات بانه اقسم بالله تعالى بني
ادم وقاسمهما اني لك ما لمن الناصحين - 00:11:45

ادم اغتر بهذا القسم وزن ان ما فيش حد ممكن يقسم بالله كازبا. ومع التزيين ومع يعني آآ الوعود والاماني حصل اللي حصل واكل
ادم من الشجرة. علشان دي تبقى عبرة بعد كده لكل حد - 00:11:59

في مسألة مهمة تأكد ان الشيطان بيلعب اولاً على الشهوات بيزين لك النساء لانه بيعتمد على شهوة زين للناس حب الشهوات من
النساء. البنين ممكن يخليك بسبب ابنك تعصي الله تعالى. ابنك يقول - 00:12:17

يا بابا عايز اعمل كذا الحرام. عايز اتفرج على كذا اللي هو حرام اشتراك لنا في كذا. اللي هو حرام فانت ابني وحببي وما اقدرش بقى
آآ بنتك عايزة تلبس متبرجة مش عايزة تلبس حجاب مش عايزة ازعلها مش عايز اضايقها فيسيبها متبرجة وتعمل وتصاحب تروح
الساحل واعمل اللي هي عايزاه - 00:12:32

عشان ابقى اب متحضر وما ضايقش بنتي حب الشهوات من النساء. النساء دي توقعك في النزر. توقعك في الاباحية. توقعك في الزنا.
توقعك في التحرش والقناطير المقنطرة من الذهب والفضة - 00:12:51

يوقعك في الرشوة اكل مال الحرام تشتغل شغلانة حرام تبيع حاجة حرام اعمل ايه؟ عايزين ناكل عيش هيشغل عليك على
الشهوات. وهيقول لك ان ما فيش طريق لنيل الشهوات الا الطريق الحرام. ويقبح لك كل طريق حلال. هيقبح لك زوجتك - 00:13:07
خوفت من طريق الالتزام. هيخوفك من الاكل الحلال. هيحسسك ان انت مش هترزق لو عشت حلال بس. لازم حرام ما فيش غير كده
شهوات وبيستغل مع كل ده الغفلات. الغفلات يعني ايه؟ ان يغفلك عن الله واليوم الآخر - 00:13:25

يقول لي هو في حد ايه ينسى ربنا واليوم الآخر؟ اه يعني ايه يعني كافر هو لأ مسلم بس الايمان بالله واليوم الآخر بيتفاوت يا جماعة
يعني كلنا اكيد مؤمنين بالله واليوم الآخر. لكن هل ايماننا واحد؟ اكيد لا - 00:13:41

هل ايماننا واحد؟ اكيد لا الايمان بيزيد وينقص وحضور الذهني لمراقبة الله. وحضور الذهني للدار الآخرة في ذهنك مش دايم سابت
بيتفاوت اكيد اللي بيقرا كثير عن الدار الآخرة. اللي بيقراً قرآن بتدبر مش زي اللي ما بيقراش قرآن اصلاً. او ولو قرأ ما بيقراش بتدبر -

اللي بيسمع قصص حسن الخاتمة وسوء الخاتمة. اللي بيجالس الصالحين اللي بيتكلموا في الله مش زي اللي بيجالس الغافلين. او اللي ما بيسمعش اي قصص ولا بيتدبر في اي حاجة - [00:14:26](#)

اللي بيقوم الليل بايات يتدبرها غير اللي ما بيقومش الليل. اه كلنا مؤمنين بالدار الآخرة. لكن الحضور الذهني للدار الآخرة استحضار الدار الآخرة مش عندنا واحد هي عند ناس معلومة وعند ناس حياة - [00:14:39](#)

احد السلف سبه رجل فقال له لولا الآخرة لرددت عليك. بص الحالة بص السرعة في استحضار الدار الآخرة انت ممكن حد يشتمك تروح شتم وسب وضرب وبتاع وبعد كده يا تقول يعني الواحد ما ما سبحان الله ما كانش لها لازمة اللي انا عملته دوت - [00:14:55](#) بس بعد ايه لان انت حضور الآخرة هنا ورا مش جاية في ذهنك في الاول فالشيطان بيلعب على ايه مش بيلعب ان هو ان انت ما تبقاش مؤمن بالدار الآخرة مش دي الفكرة هو كفاية ان هو يخليها لك كده في الخلفية ورا - [00:15:15](#)

عارف انت زي الكمبيوتر بتاعك. في حاجات انت حاططها على الديسك توب. علشان تفتكرها على طول. عشان دي مهمة قوي. وفي حاجات حاططها جوة فولدر جوة فولدر مخبية مش فارق معك مش بتستعملها - [00:15:31](#) هي كده بس هي موجودة في الآخر هي كده الدار الآخرة موجودة عندك بس هي على الديسك توب يعني هي حاضرة دايمًا ولا هي موجودة جوة جوة جوة فولدر؟ فين وفي - [00:15:45](#)

لما بتفتكر ربنا والدار الآخرة. تأكد ان الشيطان بيحاول يغفلك يغفلك ازاى عن دار الآخرة؟ خليك مش فاكرها. خليها مش حاضرة في ذهنك. عشان كده ربنا قال الناس اللي بتغش في الميزان قال ويل للمطففين الذين اذا اكلوا على الناس يستوفون واذا كالوهم او وزنهم يخسرون الا يزن اليك انهم يورسون يعني - [00:15:55](#)

اللي يشوفهم يقول دول مش مؤمنين بالدار الآخرة. مع انهم مؤمنين بها لان الايات دي في مسلمين بس فين الحاجة اللي غير كده ان الشيطان بيزين بقى. كمان مش بس بيعتمد ان انت اصلاً غافل. وان دي شهوة لأ ده هو كمان بيزينها. فاذا خرجت المرأة - [00:16:17](#) استشرفها الشيطان يقعد على مفاتها ويحليها لك ويخليها لك اجمل من زوجتك وزوجتك دي تبقى وحشة وبتاع. يخلي لك المال الحرام يعذك انك انت هتتوب حتى لو عملت حرام يوعذك ان انت احسن من غيرك. بكرة تتوب بكرة تبقى احسن. يعدهم ويمينهم. يمينك انك - [00:16:33](#)

انت هتتوب وان انت هتبقى احسن وانت كده كده العمر معك ولما تكبر ان شاء الله ويلعب على تغيير الاسماء بص قال لادم ايه ما قلوش كل من الشجرة اللي ربنا نهاك عنها. لأ - [00:16:52](#)

قال هل ادلك على شجرة الخلد تزييف الاسماء. عشان كده احنا قلنا في حالة قبل كده ان الحفاظ على مسميات المنكرات مهم لازم يفضل المثلية اسمها فعل قوم لوط. اسمها الشزوز. ما اسمهاش مثلية. ما اسمهاش اه اه عبور جنسي - [00:17:07](#) لازم يفضل الربا اسمه ربا. ما اسموش فوايد. ما اسموش استسمار. لازم يفضل الخمر اسمها خمر ما اسمهاش مائة. ما اسمهاش اشمل شروب روجي. لازم يفضل التبرج تبرج ما اسموش حرية. لازم يفضل الفسق فسق ما اسموش فن - [00:17:27](#)

اسم عري اسمه فجور الصورة اللي احنا عارفينها يعني المحافظة على مسميات الاشياء تبقي قبجها في القلب اما لما تغير اسماء الاشياء في الاول بيتغير الاسم وتفضل قبيحة بعد فترة بيسبب الاسم بعد فترة يزول القبح يا عم ده فن - [00:17:47](#) يا عم ده دي فوايد. يا عم ديت دي مية. مش خمرة. وهكذا يزل الشيطان يلعب على الاماني والتزيين والتزييف والغرور هو تغيير الاسماء مع الغفلة مع الشهوات يوصل ويكسب وينتصر في كل المعارك. الحل ان انت لا تغفل ابدا عن الله والدار الآخرة بدوام -

ذكر الله بدوام قراءة القرآن بتدبر. بدوام استحضار عزمة الله. وبعد كده تحاول توصل لشهواتك بالحلال مش بالحرام بالزواج بطلب المال الحلال وهكذا فتأكد منهج ابليس منهج خطير مهم قوي - [00:18:26](#)

ان احنا نتأمل في امر الله سبحانه وتعالى لادم ربنا ما قلوش ليه؟ ما تاكلش من الشجرة. امره الا يأكل من الشجرة ما قالوش ليه وادم

ما سألتش ليه ودي عبودية. اه في الاخر ادم يعني زل هذه الزلة. لكن من الحاجات الجميلة ان ادم عليه السلام اصلا ما سألتش ربنا في البداية ليه ما اكلش - [00:18:42](#)

مع انها شجرة فيها فاكهة اكيد يعني اكيد حاجة مش حرام ليه ما كلش منها؟ كان طبعا واضح ان عدم الاكل من الشجرة غرضه عبودية محضة يعني اكيد الشجرة دي مش مش مش ضارة مسلا مش مسممة مش نجسة العلة كانت تعبدية - [00:19:05](#)
وكان في حكم طبعا ان ربنا يختبر ادم وتبدأ بقى مرحلة الصراع بين ادم وبني ادم وبعد كده ابليس والكلام دوت. لكن الفكرة ان ادم ما سألتش اصلا يعني وده من جمال ادم عليه السلام. ما قالش يا رب ليه يعني؟ ليه اشمعنى دي بالزات - [00:19:21](#)
بعض الناس عنده حته ما عندوش استسلام لامر الله سبحانه وتعالى. عنده كل حاجة لازم ليه؟ ليه ربنا نعم كده؟ ده اقنعني اصل انا مش مقتنع. اصل آ اصل انا مش - [00:19:38](#)

انا مش شايف فيه حكمة لو مشيت وراء دماغك كده في حاجات كتير في الدين مش هتعملها لان انت ما عندكش اجابة ليه؟ ليه بنصلي العصر اربع ركعات وليه بنصلي المغرب ثلاثة - [00:19:50](#)
وليه الفجر اثنين؟ وليه نركع ركوع واحد وسجودين؟ ليه؟ ليه بنسلم مرتين؟ ليه؟ وهكذا هتقعد تسأل نفسك اسئلة ليه بنطوف سبعة اشواط حوالين الكعبة ليه بنرمي الجمرات هنقعد انت تمشي كده ورا امور ممكن انت مش عارف الحكمة منها ممكن تكون حكمتها تعبدية ربنا - [00:20:02](#)

عبودية وممكن يكون لها حكم كتير وانت مش عارفها. بغض النزر انت عرفت الحكمة ولا ما عرفتھاش؟ انت دورك عبد. الصحابة رضي الله عنهم ضربوا اروع الامثلة في باب الاستسلام لامر الله. عشان كده عدوا. هو ايه الفرق - [00:20:23](#)
بين الصحابة وبين بني اسرائيل الفرق كلمة واحدة سهولة الاستجابة لامر الله الاستسلام سورة البقرة نصها بيتكلم عن بني اسرائيل وبعد كده نصها الثاني بيتكلم على امة الاسلام انها امة وسط. وبيتكلم على التكليفات اللي ربنا كلف بها امة الاسلام - [00:20:41](#)
مدار الصورة على معنى واحد البقرة ازاى سورة البقرة بتقول لك كان في ناس اسمهم بني اسرائيل كانوا ممكن يكونوا احسن ناس واشرف ناس لكن هم اختاروا ان هم يطردوا من قيادة العالم - [00:21:01](#)

ويستبدل بالصحابة. لان الصحابة عندهم فرق كبير عن بني اسرائيل وهو في سرعة الاستجابة لامر الله وعبر عن سوء استجابة بني اسرائيل لامر الله بقصة البقرة. لان البقرة دي نموزج عن الجدل في امر الله. قال لهم اذبحوا بقرة. قالوا له طيب - [00:21:19](#)
صغيرة ولا كبيرة لونها ايه؟ شكلها ايه؟ طب اوصفها لنا اكثر. طب آ وما كادوا يفعلون لكن العكس لما الصحابة قيل لهم نزل قول الله تعالى آ وان تبدوا ما في انفسكم او تخفوه يحاسبكم به الله قال - [00:21:38](#)

الصحابة اشتكى الصحابة للنبي عليه الصلاة والسلام قالوا له ما نقدرش نعمل الكلام ده. قال اتريدون ان تقولوا كما قالت بنو اسرائيل سمعنا وعصينا؟ قولوا سمعنا واطعنا. فقالوا على طول سمعنا واطعنا فكان التكريم لا يكلف الله نفسا الا ايه - [00:21:56](#)
الا وسعها. لما نزل تحريم الخمر يا ايها الذين امنوا انما الخمر والميسر والالزام رجس من عمل الشيطان فاجتنبوه. قالوا الصحابة انتهينا انتهينا وانتهوا فعلا. لما نزل الامر بالحجاب امر بالحجاب نزل بالليل - [00:22:11](#)

عائشة رضي الله عنها تقول رحم الله نساء الانصار. لما نزلت اية الحجاب خرجن الى الفجر شققنا مروطهن قطعوا قماش عندهم ولبسوه. شققنا مروط ونزلنا الى صلاة الفجر لا يعرفن من الغلس. سرعة استجابة عجيبة لامر الله. ما استنوش الفجر يسأله النبي عليه الصلاة والسلام طب الحجاب ده واجب - [00:22:27](#)

ولا مستحب؟ طب معلش اصل احنا ما عندناش حجاب لسه على ما نفسر ربنا يسهل. لأ دول قطعوا قماش ولبسوه ونزلوا هو ده الحجاب بتاعنا لغاية ما نفصل حجاب علشان يستجيبوا بسرعة لامر الله وامر الرسول عليه الصلاة والسلام. الصحابة اه رضي الله عنهم وارضاهم كانوا - [00:22:47](#)

عجيب يعني حتى لما نزل امر بتحويل القبلة آ كان في ناس هم بيصلوا اتحولوا يعني هم بيصلوا كانوا كالقبلة ناحية الشام فعشان تتحول انت تحية الكعبة هتلف حوالين نفسك مية وتمانين درجة. وهم بيصلوا لفوا حوالين أنفسهم مية وتمانين درجة وبصوا للكعبة.

ايه اخبارك انت - 00:23:07

بسرعة انقيادك لامر الله سبحانه وتعالى. وده معيار مهم جدا قدر ايمانك وقدرك نفسه عند الله سبحانه وتعالى. انت عارفني ان السجائر حرام بطلتها. انت عرفت ان الاباحية حرام. فين سرعة استجابتك؟ عرفت ان العادة السرية حرام. فين سرعة استجابتك؟ عرفت ان التبرج حرام - 00:23:26

من سرعة استجابتك. عرفت ان ترك صلاة الفجر متعمد ده من اكبر المنكرات. فين سرعة استجابتك وقرارك الحاسم انك هتصلي الفجر بكرة حاضر يبقى اه بعض بقى المناهج الفاسدة اللي احنا بنشوفها وبنسمع عنها ليبرالية العلمانية الافكار النسوية الكلام ده - 00:23:46

بيخش من مين؟ من مدخل آ ان هم عايزين يعملوا نفسهم عقلانيين يقول لك لا ما انا مش مش همشي كده وراك خلاص. لازم كل حاجة تبقى على قناعة. يعني ايه الكلام ده؟ يقول لك اه امر ربنا ماشي. بس لازم اقتنع - 00:24:08
هنا بيه حضرتك تقتنع بايه؟ يعني لو ربنا ما قللكش تفاصيل الحكمة مش هتستجيب هو عايز يقول لك اه. ما هو لازم اقتنع ما انا مش بعمل اي حاجة غير عن اقتناع. اقتنع بايه؟ تقتنع - 00:24:24

مقتنع بربنا نفسه تقتنع ان هو حكيم انت لو رحت دلوقتي لطبيب ماهر اعظم طبيب في العالم كتب لك دواء وانت اصلا ما لكش في الطب خالص ما تفهمش في الطب - 00:24:36
خالص وكتب لك دواء كتب لك شوية كلام انجليزي كده بتاخده بتعمل به ايه هل بتقول للطبيب دوت انا مش هأخذ الدواء ده الا لما تقتنعني به. او بتقول له مش مش هأخذ الدواء ده الا لما افهم كل الطب اللي عندك. وتشرح - 00:24:46

لكل اللي خدته في الكلية عشان اقتنع به ولا بتسلم لان ده طبيب وعليم وفاهم شغلته وانا مش فاهم حاجة فبتروح زي الاعمى كده بتصرف الدواء من الصيدلية وبتاخده وكلك ثقة ان هذا الدواء ينفعك. لو حد قال لك ما تاخدش الدواء هو انت فاهم الدواء ده فيه ايه؟ يقول لك يا عم فاهم ولا مش - 00:25:01

ما كفاية الدكتور فهمان فما ظنكم برب العالمين انا لما باستجيب لامر الله بسرعة ده هو ده القرار العقلاني. واللي ما يستجيب لامر الله ده ده مش عاقل. فالليبرالية اللي بتصور لك ان العقلانية في ان انت ما - 00:25:19

لامر الله بزعم ان لازم تكون منطقي ولأزم تقتنع تقول له بالعكس ده العقل السليم يقول استجيب لعلمي ان الله عليم حكيم وهذا يكفيني. فلو اخبرني بالحكمة فيها ونعمت ما اخبرنيش. انا انا عادي جدا - 00:25:34
ثقتي في الله تكفيني انه عليم حكيم ابليس اقسام لادم انه له من الناصحين. قاعدة مهمة مش كل حد بيقول لك انا لك ناصح فهو لك بالفعل ناصح. كتير من اصحابك - 00:25:51

بيقول لك يا عم انا انصحك خد بالك امشي مع بنات عشان ما تبقاش غشيم عشان ما تتدهولش عشان تعرف تتجوز. ولو اقسام لك ما هو ابليس اقسام لادم بنت تنصحك يا بنتي مش لازم النقاب ده عشان تتجوزي اتجوزي والبسي بعد كده اللي انت عايزاه وانتقبي واعلمي شيخة المشايخ - 00:26:04

عشان بس الجواز ما حدش هيجي لك ابليس اقسام لادم انه له من الناصحين. واحد يقول لك يا عم ما تصحاش غش في الامتحان ما هي مش هتعتدي غير كده. مش مهم بقى ربنا غفور رحيم. المهم نجيب الدرجة وربنا وتشتغل الشغلانة وتعتدي بعد - 00:26:24
كده ابليس اقسام لادم انه له من الناصحين النصيحة هي ما وافقت كتاب الله وسنة الرسول عليه الصلاة والسلام. ما عدا ذلك هو غش وخداع. ولو اقسام صاحبه انه لك من - 00:26:40

الناصحين فاحترس اي نصيحة تبقى نصيحة مش اي كلام تقبله تأكد من موافقة الكلام بكلام الله وكلام الرسول عليه الصلاة والسلام دي الحلقة الثالثة بتاعتنا. ان شاء الله الحلقة القادمة فيه فوايد كتير في قصة ادم عليه السلام. تابعونا في الحلقة الرابعة. جزاكم الله خيرا. سبحانهك اللهم ربنا وبحمدك. اشهد ان لا اله الا انت - 00:26:54

استغفرك واتوب اليك. السلام عليكم ورحمة الله - 00:27:14